

**Կ Ա Ն Ո Ն Ա Դ Ր Ո Ւ Թ Յ Ո Ւ Ն**  
**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏՆՏԵՍԱԿԱՆ ԶԱՐԳԱՑՄԱՆ ԵՎ**  
**ՆԵՐԴՐՈՒՄՆԵՐԻ ՆԱԽԱՐԱՐՈՒԹՅԱՆ ՄԻՋԱԶԳԱՅԻՆ**  
**ՀԱՄԱԳՈՐԾԱԿՑՈՒԹՅԱՆ ՎԱՐՉՈՒԹՅԱՆ**

**I. ԸՆԴՀԱՆՈՒՐ ԴՐՈՒՅԹՆԵՐ**

1. Միջազգային համագործակցության վարչությունը (այսուհետ՝ Վարչություն) հանդիսանում է Հայաստանի Հանրապետության տնտեսական զարգացման և ներդրումների նախարարության (այսուհետ՝ Նախարարություն) հիմնական մասնագիտական կառուցվածքային ստորաբաժանում:

2. Վարչությունը իր գործունեությունն իրականացնում է Հայաստանի Հանրապետության օրենսդրության, Հայաստանի Հանրապետության տնտեսական զարգացման և ներդրումների նախարարության կանոնադրության, Հայաստանի Հանրապետության տնտեսական զարգացման և ներդրումների նախարարի (այսուհետ՝ Նախարար) և նախարարության գլխավոր քարտուղարի հրամաններին, ինչպես նաև սույն կանոնադրության պահանջներին համապատասխան:

3. Վարչությունն իր իրավասությունների շրջանակներում պատասխանատվություն է կրում իր առջև դրված խնդիրների և գործառույթների ժամանակին ու պատշաճ իրականացման համար:

4. Վարչության կանոնադրությունը հաստատում, փոփոխում և ուժը կորցրած է ճանաչում նախարարը՝ նախարարության գլխավոր քարտուղարի ներկայացմամբ՝ նախապես համաձայնեցնելով վարչության պետի և համակարգող պաշտոնատար անձի հետ:

**II. ՎԱՐՉՈՒԹՅԱՆ ՀԻՄՆԱԿԱՆ ԽՆԴԻՐՆԵՐԸ**

5. Հայաստանի Հանրապետության առևտրատնտեսական հարաբերությունների զարգացման բնագավառում Վարչության խնդիրներն են՝

1) արդյունավետ միջազգային տնտեսական կապերի հաստատումը, զարգացումն ու ընդլայնումը,

2) իր իրավասության սահմաններում միջազգային տնտեսական համագործակցության համար համապատասխան իրավապայմանագրային դաշտի ստեղծումը:

### **III. ՎԱՐՉՈՒԹՅԱՆ ԳՈՐԾԱՌՈՒՅԹՆԵՐԸ**

6. Վարչությունը իր առջև դրված խնդիրների և նպատակների իրականացման համար իր իրավասությունների սահմաններում իրականացնում է հետևյալ գործառույթները՝

1) համակարգում և իրականացնում է օտարերկրյա պետությունների և միջազգային կազմակերպությունների հետ առևտրատնտեսական և գիտատեխնիկական համագործակցության աշխատանքները,

2) նախապատրաստում, կազմակերպում և համակարգում է Նախարարության աշխատակազմի ստորաբաժանումների կողմից օտարերկրյա գործընկերների հետ իրականացվող աշխատանքները.

3) իրականացնում է Հայաստանի Հանրապետությունում հավատարմագրված օտարերկրյա պետությունների դիվանագիտական ներկայացուցչությունների և միջազգային կազմակերպությունների հետ Նախարարության պաշտոնական կապը,

4) նախապատրաստում և կազմակերպում է Նախարարության կողմից համակարգվող առևտրատնտեսական համագործակցության միջկառավարական հանձնաժողովների ու երկկողմ և բազմակողմ աշխատանքային խմբերի նիստերի անցկացումը: Իրականացնում է դրանց արդյունքում ընդունված որոշումների կատարման մշտադիտանցում,

5) համակարգում է Հայաստանի Հանրապետության այլ գերատեսչությունների կողմից համակարգվող առևտրատնտեսական համագործակցության միջկառավարական հանձնաժողովների և երկկողմ ու բազմակողմ աշխատանքային խմբերի նիստերին նախարարության ստորաբաժանումների մասնակցությունը և իրականացնում է դրանց արդյունքում ընդունված որոշումների կատարման դիտանցում,

6) հավաքում, ամփոփում և Հայաստանի Հանրապետության Նախագահի աշխատակազմ, Հայաստանի Հանրապետության կառավարության աշխատակազմ ու Հայաստանի Հանրապետության արտաքին գործերի նախարարություն է ներկայացնում տեղեկանքներ/տեղեկատվական փաթեթներ ըստ առանձին երկրների,

7) կազմակերպում և համակարգում է նախարարության ներկայացուցիչների մասնակցությունը միջազգային համաժողովներին, խորհրդակցություններին, գիտաժողովներին, սեմինարներին,

8) համակարգում է արտերկրում Հայաստանի Հանրապետության առևտրական ներկայացուցիչների գործունեությունը,

9) Հայաստանի Հանրապետության առևտրական ներկայացուցիչների հետ համատեղ ուսումնասիրում է արտաքին շուկաները, ներկայացնում է առաջարկություններ արտահանման խթանման վերաբերյալ,

10) մշակում է առևտրատնտեսական և գիտատեխնիկական ոլորտներին առնչվող օտարերկրյա պետությունների և միջազգային կազմակերպությունների հետ կնքվող երկկողմ և բազմակողմ միջազգային պայմանագրերի նախագծեր, մասնակցում է բանակցային գործընթացներին, կատարում է տնտեսության տարբեր ոլորտներին վերաբերող միջազգային պայմանագրերի նախագծերի փորձաքննություն:

11) իրականացնում է Սևծովյան Տնտեսական Համագործակցության Կազմակերպության (ՄԾՏՀ), ԱՄՆ Միջազգային Զարգացման Գործակալության (ԱՄՆ ՄԶԳ), Ճապոնիայի Միջազգային Համագործակցության Գործակալության (ՃՄՀԳ) և այլ կազմակերպությունների հետ համագործակցության աշխատանքները,

12) մասնակցում է Հայաստանի Հանրապետության և օտարերկրյա պետությունների համապատասխան մարմինների (ներկայացուցչությունների) հետ համատեղ նախապատրաստվող այցերի ծրագրերի մշակմանը,

13) մասնակցում է Նախարարի, Նախարարի տեղակալների գլխավորած պատվիրակությունների օտարերկրյա պետությունների այցերի

նախապատրաստական, ինչպես նաև պաշտոնական պատվիրակությունների ընդունելությունների կազմակերպման աշխատանքներին,

14) նախապատրաստում է Նախարարության ղեկավար կազմի հանդիպումները արտասահմանյան բարձրաստիճան պաշտոնյաների հետ, իրականացնում է այդ հանդիպումների արարողակարգային ապահովումը,

15) նախապատրաստում և կազմակերպում է նախարարության ղեկավար կազմի արտասահմանյան գործուղումները,

16) կազմակերպում և իրականացնում է արտասահմանյան պատվիրակությունների ընդունելությունը:

#### **IV . ՎԱՐՉՈՒԹՅԱՆ ԱՇԽԱՏԱՆՔՆԵՐԻ ԿԱԶՄԱԿԵՐՊՈՒՄԸ ԵՎ ՂԵԿԱՎԱՐՈՒՄԸ**

7. Վարչության կառուցվածքն ու հաստիքացուցակը հաստատում է նախարարը՝ նախարարության գլխավոր քարտուղարի ներկայացմամբ՝ նախապես համաձայնեցնելով վարչության պետի և համակարգող պաշտոնատար անձի հետ:

8. Վարչությունը՝

1) իր իրավասության շրջանակներում կազմակերպում և իրականացնում է աշխատանքներ՝ համագործակցելով նախարարության այլ ստորաբաժանումների, Հայաստանի Հանրապետության շահագրգիռ նախարարությունների և գերատեսչությունների, ինչպես նաև միջազգային կազմակերպությունների և դիվանագիտական ներկայացուցչությունների հետ,

2) Հայաստանի Հանրապետության կառավարության գործունեության ծրագրին համապատասխան, ներկայացնում է հաստատման Վարչության ծրագրերը, ինչպես նաև ապահովում է դրանց կատարումը:

9. Վարչության պետը՝

1) իրականացնում է Վարչության աշխատանքների կազմակերպումը և ընդհանուր ղեկավարումը.

2) պատասխանատու է Վարչությունում համապատասխան աշխատանքային մթնոլորտի և կարգապահության ապահովման, Վարչությունում

աշխատակիցների միջև աշխատանքների հավասարաչափ բաշխման և դրանց կատարման համար.

3) բացահայտում, վերլուծում և գնահատում է Վարչության առջև դրված գործառույթներից բխող մասնագիտական նշանակության խնդիրներ, ինչպես նաև դրանց տալիս է ստեղծագործական և այլընտրանքային լուծումներ կամ ապահովում այդ աշխատանքների կատարումը.

4) անմիջական հաշվետու է Նախարարին:

-----